

Vnd sy alle chraft verpirt  
/ dann Swaz zaichen von in geschiecht  
Dw erwirbet dort vor gotes gesicht  
Der heyligen sele gaist  
Mit ir chrefte vollait  
Alle die weil vnd aldie frist  
Pis si in dem leib wonend ist  
So hat dez leibes geschafft  
Von der selle sinne vnd chraft  
Seir der got wil vnlichtich sein  
Vnd irdisches augen schein  
Mit menscheleicher angesicht  
En mag noch en sol in sehe nicht  
So wil ich auch in erden lan  
Irdischeu dinch vnd wil er han  
Hymelischeu dinch er in hab  
Sein chonst von angege gab  
Engel vnd lebend gaist leben  
Die seiner geschafft dar leben geben  
Vnd zu dienste seiner gothait  
Durch dar ist ir gesicht verlait  
Irdischer augen spehen  
Got wil dar irdische sehen  
Dar er ym sein chraft vnd leben  
Von hymel her nider hat gegeben  
Do von mir dez gaistes schein  
Der leibes gesicht vnschuldich sein  
Doch hab wir dick vernomen  
Vnd sein ez vil ze ende chumen  
Mit gelaubleicher warhait  
Dar heylig leute haben gesait  
Den got sein taugen leit für  
Dar sy mit argenleicher chur  
Dy sele als sy sahen  
Von dem leibe schanden sahen  
In menschelichem pild als dy chint  
Dy schon vnd frey vor mail sint  
Vnd aller misswend frey  
Vnd den dy engel warn pey

Vnd sy fürten fröliche  
Mit in ze hymelreiche  
Dy frage leicht vns nicht verpirt  
Dar er venne gefuget wirt  
Vnd er venne vmb die geschicht  
Warumb got dar mensch nicht  
Geschuffe dar ym nicht dochte  
Dar er icht sünden mochte  
Swer fraget dez der cher her  
Man antwurt seiner gur  
Vnd macht ez ym mit rede sleht  
Ez tet got durch schlechtes reht  
So dem menschen gegeben  
Sinne winden vnd leben  
Dar sein freyer wille chur  
Gelait von gote warn für  
Dar ez Gewalt dez hete  
Dar ez wol od ubel tate  
Vnd dar sein vnbenwung mit  
Erhande ubel vnd gut  
Vnd darnach lon enphienge  
Darnach sein were ergienge  
Wes solde got yn sagen danch  
Wer ez der sinne also chranch  
Dar ez in seinem mite  
Nicht chund man dar gute  
Vnd für sich einen schlechten don  
Wes solde ez danne enphahen lon  
Ob ez nicht anders chunde  
Sus ist ym all stunde  
Freyer mit vnd wal gegeben  
Vmb dar ewichleiche leben  
Fedeleiche zu erwerde  
Oder aber zu verderben  
Indes ewigen todes not  
Darumb ist ym der leibe tot  
Gegeben nach seiner lebende zeit  
Dar er schaid den streit  
Vnd alle triege die her abe